



Broj: 02-05-2515/19
Trnovo, 13.8.2019. godine

Na osnovu člana 69. stav (2) tačka e) Zakona o javnim nabavkama („Službeni glasnik BiH“, broj 39/14), a na Preporuku Komisije za provođenje postupka javnih nabavki broj 02-05-2515/19 od 13.8.2019. godine, u postupku javne nabavke radova – Rekonstrukcija kuće spasa, Općinski načelnik je d o n i o

ODLUKU o poništenju postupka javne nabavke

Poništava se postupak javne nabavke radova-Rekonstrukcija kuće spasa, iz razloga što je cijena jedine prihvatljive ponude znatno veća od osiguranih sredstava za predmetnu nabavku, shodno članu 69. stav (2) tačka e) Zakona o javnim nabavkama.

Član 2.

Ova odluka objavit će se na web-stranici www.trnovo.ba, istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 3.

Ova odluka stupa na snagu danom donošenja i dostavlja se ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 02-05-2515/19 od 27.5.2019. godine.

Javna nabavka je provedena putem otvorenog postupka sa međunarodnom objavom. Procijenjena vrijednost javne nabavke bez PDV-a je iznosila 547.008,50 KM.

Obavijest o nabavki broj: 886-1-3-40-3-27/19 na Portalu javnih nabavki objavljena dana 31.5.2019. godine.

Komisija za provođenje postupka javnih nabavki dostavila je dana 13.8.2019. godine Zapisnik o pregledu i ocjeni ponuda i prijedlog Odluke o poništenju postupka javna nabavke U krajnjem roku ponude su dostavila tri ponuđača. Ponuda ponuđača Konzorcij: Senigor d.o.o. Sarajevo i Maslo Builds d.o.o. Sarajevo nije ispunjavala uvjete u pogledu tehničko-profesionalne sposobnosti, odnosno nije dostavio dokaz da ima izvršen jedan ugovor visokogradnje minimalne vrijednosti 500.000,00 KM bez PDV-a. Ponude ponuđača Neimari d.o.o. Sarajevo i Hadžić-Gradnja d.o.o. Sarajevo su bile prihvatljive za ugovorni organ i iste su unesene u sistem e-nabavke. Međutim, prilikom unosa ponude za ponuđača Neimari d.o.o. Sarajevo, učinjena je greška na način da nije unesena ponuda bez PDV-a sa uračunatim popustom nego u istu popust nije uračunat. Kao takva, ponuda nije dobro unesena u sistem e-nabavke.

Dalje u zapisniku se navodi: Prilikom daljnjeg pregleda i ocjene ponuda, komisija je našla da je prilikom unosa cijena načinjena greška kod ponuđača Neimari d.o.o. Sarajevo, i to na način da je unesena cijena bez pdv-a, a trebalo je u unesenu cijenu

uračunati i ponuđeni popust od strane ponuđača. U skladu s prednjim, 26.7.2019. godine upućen je zahtjev za ponavljanje e-aukcije prema Agenciji za javne nabavke, koja je jedina ovlaštena da u skladu s članom 7. Pravilnika o uslovima i načinu korištenja e-aukcije („Službeni glasnik BiH“, broj 66/16) ovlaštena da cijeneći opravdane okolnosti ponovno po zahtjevu ugovornog organa zakaže e-aukciju. U skladu s zahtjevom, dana 6.8.2019. godine putem fax-a zaprimljen je odgovor Agencije iz kojeg je vidljivo da ista smatra da nisu opravdane okolnosti za ponavljanje e-aukcije te odbijaju Ugovorni organ s zahtjevom. U skladu s tim, ugovorni organ ponovno dana 6.8.2019. godine upućuje zahtjev za ponavljanje e-aukcije s detaljnim obrazlaganjem okolnosti. Po ponovnom zahtjevu, Agencija dostavlja dopis da ostaje pri prvobitno iznesenom stavu i da nema osnova za ponavljanje e-aukcije

Članom 69. stav (2) tačka e) Zakona o javnim nabavkama je predviđena okolnost poništenja postupka javne nabavke u slučaju da su cijene svih prihvatljivih ponuda veće od osiguranih sredstava za predmetnu nabavku. Kako u konkretnom slučaju cijena koja je unesena u sistem znatno veća ista premašuje procijenjenu vrijednost nabavke.

Imajući u vidu da formirana cijena u sistemu e-nabavke ni u kom slučaju ne odgovara cijeni datoj u ponudi, to su za ugovorni organ nastupile okolnosti koje nije mogao predvidjeti prilikom pokretanja postupka. U konkretnom slučaju, zbog navedene okolnosti, nije se ni mogla donijeti ni Odluka o izboru jer to ne bi predstavljalo ponuđenu cijenu na javnom otvaranju.

Na osnovu naprijed navedenog, odlučeno je kao u članu 1. Odluke.

POUKA O PRAVNOM LIJEKU

Protiv ove odluke može se izjaviti žalba u roku od deset dana od dana prijema iste. Žalba se izjavljuje Ugovornom organu u pismenoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koja ne može biti manji od tri.

Dostavljeno:

1. Ponuđaču
2. U spis predmeta

Općinski načelnik
Ibro Berilo

